



نجلاء عبد الله إبراهيم

- النشأة: محافظة المنوفية
- المؤهل: ماجستير اقتصاد وعلوم تطبيقية - أخصائية تغذية علاجية
- الهوايات: عزف الكمان
- الأعمال السابقة: إصدارات صوتية على مواقع التواصل الاجتماعي

إهداء

إلى الروح التي شردت.. والذهن الذي تشتت.. والفكر الذي
انشغل.. والقلب الذي احتار.. نفسي التي لطالما أقاومها ليل نهار..
الضمير الذي يحيا ليحييني.. الشك الذي أصبح كل يقيني..
ربي من سلمته أمري فيرضيني.. أنتِ ومن أنتِ؟ أأسكنكِ أنا؟! أم أنكِ
تسكنيني..

أنا قاسية

تقول قاسية.. تقول ناسية
تقول للناس.. خلاص بعدت
ومش فاكرالي ولا همسة ...
أكيد هنسى ..وما استبعدش إني أقسى ...
فهل يعني يجوز إنك ف يوم تبعد
ولا بتسأل ولا وياك هكون فارقة ..
ومستغرب بإني أعاند ذكرياتي ف يوم
وأقول ناسياك وناسية البعد والفُرقَة...
أكيد هنسى...
دا أنا أيامي علشانك فرطتها سبحة ملك إيديك ...
نسيت الحب والحنية اللي زرعتهم حواليك ...
بساتين اهتمام وورود..
ما كنتش ضامنة أي وعود..
بإنك جيّ تسعدني..
سألتك طب وجودك ليه...

مشيت ونسيت تودعني..
دا بيقولوا اللي عاشر قوم..
هيصبح يوم يكون منهم ...
وأنا على قسوتك وجفاك...
هربي ف قلبي وأدمنهم ...
يجوز ما عرفتش أقسى معاك ...
يجوز طيبيتي اللي غلبتني ...
ولكن قلبي مش عارف يأمن قلب مؤتني ...
غزلت لوحدتك ضلة بأحلامي..
زرعت ف قسوتك وردة لأيامي..
طرحت ف دنيتي وحدة وشوك من وردتي ف إيدي ...
جلبت لقلبك الأفراح زرعت السم في وريدي..
ف عداد البنات عندك..
لقيتني يا دوب مجرد بنت ...
برغم أنا عارفة إيه عندك وإيه عندك..
جازفت وعشت ليك وندمت...
فليه مستغرب إني أقسى
وإني أبعد أو أستبعد تكون ليا ..
ما تنساني أو اتناسى وأنا سعيدة لوحديا..

جایز جدّا

جایز واحد یبعد عنك
علشان كان متعلق بیک
جایز قلب یقرب منك
علشان نفسه یجرّح فیک
جایز أكثر واحد حبك
ساب جواک أوجاع وجراح
جایز أكثر واحد تعبک
کان عایزک أصلاً ترتاح
جایز تکره أوی بني آدم
من کتر ما قلبک بیحبه
أو جایز علشان تنساه
تفضل جنبه ..
جایز علشان تبسط غیرک
جیت علی قلبک یوم ووجعته

جائز اللي راهنت عليه
تندم بكرة إن انت اخترته
جائز أكثر حاجه عايزها..
تبقى أساساً مش عايزاك
جائز أكبر غلطة ف عمرك
تطلع أكبر صح عملته!
جائز يومك يبقى معانا..
جائز بكرة تكون فيه هناك
جائز شيء تعبك أو فارقك..
تندم جداً لو رجّعته

فضفضة..

جوة مني آهات كتيرة
تطلع التنهيدة بيها
ساكنة نن عيوني دمعة
ضحكة مني بتداريها
بعث ضحكي واشتريت منكوا الآهات
لو فضلت العمر أحكي.. راح تغيب عنكم حاجات
فيه حاجات صعب نداريها.. صعب تتسمى بـ ”حاجات“
في اهتمام أنا لو طلبته.. مش هحسه تاني منكم
عيشتوا جوة القلب عمر.. وكان أمانكم كان سكنكم
لو سمحتم إوعوا تحكوا ف يوم تقولوا
إن دا كان غصب عنكم
غيبوا عني كمان وروحوا
زدتوا إيه على قلبي غير ألمه وجروحه
غيبوا عني دا طلبي منكم

قلبي رايح للطبيب اللي يداويه
هو خالقه وهو عالم قد إيه الجرح اللي بيه
ربي جيتلك وف رحابك سبت همي
إنت سندي وإنت عونني وبعد منك قلب أُمي
ربي صفييني وداويني
بدل الدمعة ف سنيني
بابتسامة وضحكة صافية
ردني لروحي ونفسي
رد قلبي بألف عافية...